

kei te pehea ra ta te Atua whakaaro mo enei tu ahua o te whakapono, te whakahe me te riri o te ngakau ki etahi whakapono i runga i tenei ao, i runga hoki i tenei motu i Nui Tirenī. Kaati i kite iho ahau i te korero a Te Pipiwharuroa na tetahi tangata kaore te ingea i tubia. Ki taku titiro iho ki nga kanohi o Te Pipiwharuroa e ahua whero ana i a ia e panui ana i nga korero a te Momona mo te tokomaha o nga minita Momona e mahi ana ki nga maori a e rua tonu kei te mahi ki te taha ki nga pakeha e 700,000. Ka tika tau e te manu nei, he kore rawa ena mo tena maha pakeha, engari kaore pea i te pena, engari pea te 32 minita Momona kei nga taha e rua. E ki ana ano te manu nei na nga Momona te kupu, kaore ratou nei e utua, e rite ana ta ratou ki ta te Karaiti Matiu 25, 34—40 pea. Ki taku titiro ra ki te ahua o ta ratou haere ka kore he kai ka hoatu e au, a he kakahu i etahi taima, engari kaore taku i hoatu i runga i te amuamu engari i runga ano i te aroha whangai. Mo ratou e ako ana kia whakarereca nga mahi kino, engari kaore ano ahau kia rongono noa i a ratou e kauwhau ana kia moe kia rua wahine. No ta Paora pea tetahi o ta nga Momona nei i mea ai i Koriniti 9, 14—18, 24. He patai. Ma wai te utu whakahonore o enei whakapono e tu nei i tenei ao, utua mai? E hoa ma kaore aku whakahe mo te moni, engari nga Karaipiture 2 Timoti 3, 1—5; 2 Pita 2, 2—3; Mika 3, 11. E ui atu ana he aha te patai kaore na i hoki i te Momona?

Na to koutou hoa,

Renata Pau, Whangarae,

HE WHAKAHOKI.

NA REWETI T. M. KOHERE.

Ki a Renata Pau,

E hoa, tena koe. Ki taku whakaaro kaore ano kia hoki i a koe taku korero tuatahi mo te Hahi Momona, ara mo te kohikohi. Kaore koe i whakahe i aku rarangi i whakahua ai hei tautoko i aku kupu, engari i homai e koe he rarangi ke atu ano. No te Paipera ano aku rarangi, a mehemea kaore i hangai, mau e whakaatu mai te tikanga o aua rarangi. I mea ahau i whakaae a te Karaiti raua ko Paora ki te ohaoha. E pehea ana koe mo tenei? Me korero ano e koe aku korero tuatahi mo te Hahi Momona, kaore ano kia tino mau i a koe. Kaati maku pea e

whakaatu te tikanga o etahi o au rarangi, ahakoa kaore koe i whakamarama i te tikanga o aku. 1 Koriniti 9, 14—18, 24. Kaore a Paora i pai hei taumahatanga ia ki te Hahi otira kia marama koe kaore a Paora i whakatakoto ture, kia pera katoa nga Kai-kauwhau i te Rongopu i me ia. I mea ia i te 14 o nga rarangi:—“Pera tonu ano ta te Ariki i whakarite ai mo nga Kai-kauwhau o te Rongopai hei runga i te Rongopai he oranga mo ratou.” Otira ko Paora ano ki te mahi oranga moa, ko nga minita Momona ia kaore, engari noho ai i te wlanau kotahi mo nga wiki maha, a tae atu ki te marama. Kaore ano ahau kia kite i nga minita Momona e mahi ana, pera me Paora.

Kaore ano koe kia mohio ki nga tikanga a to hahi, ara te moe ngahuru i te wahine me era atu tikanga whakamharaha. Ko tenei tetahi o nga whakaakoranga momona a te Hahi Momona, kei tonu whenua e mahi ana. E kore e kauwhautia ki konei, kei hopukia e te Ture ki te whare-herere. E kore pea te Momona e whakapono ki tenei korero: E mea ana tetahi pukapuka a te Momona (‘The Seer’) mehemea i tuhituhia katoatia nga korero mo te Karaiti tera e kitea he wahine na te Karaiti a Meri, a Maata, me Meri Makarini. Ki taku whakaaro he tino kohukohu tenei. Taihoa ra ahau ka whakaatu ai i etahi o nga whakaakoranga a te Momona. Kei te hunia etahi o a ratou mahi, katahi ka homai ko te Iiiri Rurumaki hei poapoa i te Maori.

E hoa kaore au i te whakahe i nga hahi katoa, engari ko nga hahi e whakapohēhe ana i te tangata, ko ena aku e whakahe ai. Kua whakamaramatia e au te ahua o te Hahi o Ingarangi, a e kore ahau e hoki whakamuri ano. I te tamarikitanga o te Hahi Maori ko te Hahi Matua ki te whangai, otira inaianei i te mea kua pakeke, me timata ia te whangai i a ia ano. I ti noa iho te moni a te tangata e pau ana hei whangai i tona minita; ka hia pauna ranei au kua pau i nga minita Momona e noho tonu nei i to kainga mo te wiki, mo te marama. Ko te he tenei he patu i te tangata kotahi, nau na te rangatira i kore ai e amuamu, mehemea ana he rawa-kore kua tino mate, a e kore e hapa te amuamu.

Mo to patai mo te utu whakahonore—*ka riro i tehea whakapono* (hahi)? Ehara i te mea kotahi tonu te hahi e whiwhi ki te utu honore, ka whiwhi katoa ranei nga tangata katoa o te hahi kotahi, engari te hunga whiriwhiri o ia hahi o ia hahi pono a te Atua. Ki to hiahia pea kia riro anake i te Momona. Kei pōhehe koe he tino hahi te Momona i te ao nei. Kei